

**MALAYSIA**  
**DEWAN RAKYAT**  
**ATURAN URUSAN MESYUARAT**

**NASKHAH SAHIH/BAHASA MALAYSIA**

<http://www.parlimen.gov.my>

**HARI RABU, 13 NOVEMBER 2013, PUKUL 10.00 PAGI**

**Bil. 38**

---

**PERTANYAAN-PERTANYAAN BAGI JAWAB LISAN**

1. PR-1313-L59068  
**Tuan Haji Ahmad Lai bin Bujang [ Sibuti ]** minta **MENTERI PERTANIAN DAN INDUSTRI ASAS TANI** menyatakan adakah pihak Kerajaan mempunyai rancangan untuk mewujudkan satu bentuk latihan kepada para nelayan muda atau nelayan sedia ada yang berminat untuk meningkatkan kemahiran nelayan moden supaya dapat meningkatkan hasil tangkapan mereka.
2. PR-1313-L58654  
**Puan Teo Nie Ching [ Kulai ]** minta **PERDANA MENTERI** menyatakan sama ada rancangan untuk mengikut cadangan Pemandu untuk membentangkan Laporan Ketua Audit Negara setiap sidang Parlimen, dan bukan satu kali setahun.
3. PR-1313-L58169  
**Dato' Wira Othman bin Abdul [ Pendang ]** minta **MENTERI PENDIDIKAN** menyatakan bilakah Kementerian boleh menukarkan pasangan guru-guru yang telah berkeluarga supaya mereka dapat bersama di sekolah yang berdekatan atas permohonan mereka. Apakah halangan-halangan yang menghalang permohonan pertukaran ini.
4. PR-1313-L58518  
**Tuan Wong Ling Bui [ Sarikei ]** minta **MENTERI TENAGA, TEKNOLOGI HIJAU DAN AIR** menyatakan sama ada Kerajaan Pusat mempunyai cadangan untuk meningkatkan kadar atau harga elektrik rumah kediaman dalam masa yang terdekat ini. Kenapakah Kerajaan Pusat tidak mampu menurunkan kadar elektrik di negeri Sarawak dan Sabah sedangkan negeri-negeri ini mampu menghasilkan kuasa elektrik sendiri.
5. PR-1313-L59107  
**Ir. Shahrudin bin Ismail [ Kangar ]** minta **MENTERI SUMBER ASLI DAN ALAM SEKITAR** menyatakan mengenai status projek lencongan banjir barat. Adakah akan disediakan penempatan baru kepada penduduk yang terlibat dengan projek tersebut serta laporan kajian laluan sambungan Sungai Perlis di dalam kawasan Bintong ke Kuala Perlis.

6. PR-1313-L57623  
**Tuan Sim Tze Tzin [ Bayan Baru ]** minta **MENTERI PENDIDIKAN** menyatakan jumlah peruntukan perbelanjaan tahunan oleh Kementerian untuk Universiti Sains Malaysia, Universiti Malaya dan Universiti Teknologi Malaysia. Nyatakan jumlah yang digunakan dalam Research & Development (R&D). Berapakah pendapatan yang dijanakan oleh universiti melalui R&D mengikut universiti.
7. PR-1313-L58276  
**Datuk Wee Jeck Seng [ Tanjong Piai ]** minta **MENTERI PERTANIAN DAN INDUSTRI ASAS TANI** menyatakan apakah tahap piawaian yang ditetapkan oleh Jabatan Perkhidmatan Veterinar terhadap pemeriksaan ladang di bawah Enakmen Kawalan Perlesenan Ladang Penternakan Unggas 1997.
8. PR-1313-L57917  
**Tuan Gooi Hsiao-Leung [ Alor Setar ]** minta **MENTERI DALAM NEGERI** menyatakan sebab-sebab kesesakan lalu lintas yang sering berlaku di tempat pemeriksaan imigresen antarabangsa Malaysia-Thailand di Bukit Kayu Hitam, dan menjelaskan apa langkah-langkah yang akan diambil untuk mengatasi masalah ini.
9. PR-1313-L58888  
**Tuan Anuar bin Abd. Manap [ Sekijang ]** minta **MENTERI BELIA DAN SUKAN** menyatakan :-
  - (a) apakah pelan perancangan jangka masa pendek dan panjang Kementerian bagi memajukan sukan hoki; dan
  - (b) apakah langkah-langkah yang akan diambil bagi menarik golongan muda pelapis mendekati sukan ini memandangkan prestasi skuad negara bagi sukan hoki sekarang ini adalah di tahap yang boleh dibanggakan.
10. PR-1313-L57279  
**Dr. Lee Boon Chye [ Gopeng ]** minta **PERDANA MENTERI** menyatakan jumlah pelaburan di Wilayah Ekonomi Koridor Utara (NCER) dan setakat mana pencapaiannya.
11. PR-1313-L59037  
**Datuk Joseph Salang anak Gandum [ Julau ]** minta **MENTERI KEMAJUAN LUAR BANDAR DAN WILAYAH** menyatakan kepada Dewan yang mulia ini sama ada Kerajaan sudah ada inventori lokasi di seluruh negara untuk dibangunkan Empangan Micro Hydro bagi menjana elektrik di luar bandar.
12. PR-1313-L58440  
**Tuan Teo Kok Seong [ Rasah ]** minta **PERDANA MENTERI** menyatakan secara terperinci dasar kerajaan untuk menangani masalah *Brain Drain* di Malaysia.

13. PR-1313-L57687  
**Dato Sri Dr. Muhammad Leo Michael Toyad Abdullah [ Mukah ]** minta **MENTERI PERTANIAN DAN INDUSTRI ASAS TANI** menyatakan apakah langkah Kerajaan untuk memastikan pengeluaran ikan air tawar diteruskan memandangkan keperluan ikan kian bertambah.
14. PR-1313-L58339  
**Tuan Idris bin Haji Ahmad [ Bukit Gantang ]** minta **MENTERI PENDIDIKAN** menyatakan adakah Kementerian pernah membuat kajian "stress" di kalangan guru-guru sekolah.
15. PR-1313-L57626  
**Datuk Aaron Ago anak Dagang [ Kanowit ]** minta **MENTERI PERUSAHAAN PERLADANGAN DAN KOMODITI** menyatakan keluasan tanah NCR di Sarawak yang telah dibuat *perimeter survey* dan sama ada Kementerian dapat menambahkan peruntukan bagi Kerajaan Negeri Sarawak meneruskan kerja-kerja *perimeter survey* dan seterusnya *lot survey* ke atas tanah adat Bumiputera Sarawak (NCR) selepas tahun 2015.
16. PR-1313-L57517  
**Dato' Seri Abdul Hadi bin Awang [ Marang ]** minta **PERDANA MENTERI** menyatakan berapakah kes pendakwaan yang telah difailkan ke mahkamah berkaitan dengan salah urus dana awam dan pecah amanah ekoran daripada pendedahan Ketua Audit Negara dalam Laporan Audit Negara tahun 2011.
17. PR-1313-L58795  
**Tuan Liang Teck Meng [ Simpang Renggam ]** minta **MENTERI DALAM NEGERI** menyatakan senarai penerbit-penerbit surat khabar yang terkini mengikut bahasa ibunda masing-masing yang berdaftar dengan Kementerian dan berapakah yang masih beroperasi dan berapakah yang telah digantung lesen.
18. PR-1313-L59020  
**Puan Siti Zailah binti Mohd Yusoff [ Rantau Panjang ]** minta **MENTERI PENDIDIKAN** menyatakan usaha kerajaan untuk memperkasakan Sekolah Aliran Agama / Sekolah Menengah Kebangsaan Agama serta Sekolah Agama di bawah Kerajaan Negeri termasuk juga Sekolah Agama Rakyat di seluruh negara.
19. PR-1313-L58193  
**Datuk Madius Tangau [ Tuaran ]** minta **MENTERI PENDIDIKAN** menyatakan berapakah bilangan guru-guru baru yang akan diambil dalam tempoh tiga tahun akan datang dan adakah Kementerian telah memberi bilangan tertentu sebagai kouta daripada Sabah dan Sarawak.
20. PR-1313-L58627  
**Tuan Manivanan a/l Gowindasamy [ Kapar ]** minta **MENTERI DALAM NEGERI** menyatakan :-
  - (a) berapakah jumlah anggota atau pegawai PDRM yang telah diambil tindakan tatatertib sejak Januari 2008-2013 (sehingga kini) dan pecahan jenis-jenis kesalahan yang telah dibuat serta ranking mereka dalam PDRM; dan

- (b) memberi penjelasan mengapa Suruhanjaya Bebas Aduan dan Salah Laku Polis (IPCMC) tidak ditubuhkan bagi menjalankan kawalan tatatertib serta meningkatkan kecekapan dan kualiti perkhidmatan anggota polis, sedangkan ia adalah selaras dengan Perlembagaan Persekutuan.
21. PR-1313-L58317  
**Dato' Ahmad Fauzi bin Zahari [ Setiawangsa ]** minta **MENTERI PENDIDIKAN** menyatakan adakah Kementerian bersedia memasang kamera litar tertutup (CCTV) di tempat berisiko dalam kawasan sekolah rendah dan menengah bagi mengatasi kes buli pelajar atau penculikan.
22. PR-1313-L58786  
**Dr. Mohd Hatta bin Md. Ramli [ Kuala Krai ]** minta **PERDANA MENTERI** menyatakan adakah FELDA mempunyai keupayaan profesional dan menerima nasihat yang tepat sebelum mengambil keputusan untuk melibatkan diri secara besar-besaran dalam industri perhotelan dalam dan luar negara.
23. PR-1313-L58087  
**Datuk Sapawi bin Ahmad Wasali [ Sipitang ]** minta **MENTERI PENDIDIKAN** menyatakan apakah perancangan dan tindakan yang diambil di bawah program transformasi pendidikan untuk sekolah pendidikan khas.
24. PR-1313-L58466  
**Tuan Chua Tian Chang @ Tian Chua [ Batu ]** minta **MENTERI BELIA DAN SUKAN** menyatakan apakah jumlah yang dibelanjakan untuk Hari Belia 2012. Sila berikan pecahan mengikut kategori. Ketua Setiausaha Kementerian, dalam laporan Bernama tahun lalu, menyatakan bahawa kos untuk membawa masuk persembahan tersebut ditanggung oleh penaja tetapi Laporan Audit menyatakan sebaliknya, sila jelaskan.
25. PR-1313-L58601  
**Datuk Dr. Makin @ Marcus Mojigoh [ Putatan ]** minta **MENTERI KEWANGAN** menyatakan :-
- (a) apakah faktor yang menyebabkan nilai Ringgit berbanding dengan Dollar Amerika terus merundum ke nilai terendah dalam 3 tahun kebelakangan ini; dan
- (b) langkah yang diambil oleh Kerajaan bagi membendung perkara ini agar kejatuhan ekonomi negara yang berlaku pada tahun 1990-an tidak berulang lagi.
26. PR-1313-L57250  
**Dato' Seri Anwar bin Ibrahim [ Permatang Pauh ]** minta **MENTERI KEWANGAN** menyatakan pemantauan yang dirancang dan dilaksanakan ke atas Syarikat-syarikat Berkaitan Kerajaan (GLC) agar terelak daripada berulang skandal kepincangan *National Feedlot Corporation*.

27. PR-1313-L59055  
**Dato' Shamsul Anuar bin Haji Nasarah [ Lenggong ]** minta **MENTERI PEMBANGUNAN WANITA, KELUARGA DAN MASYARAKAT** menyatakan :-
- (a) pencapaian Kementerian sehingga sekarang dalam usaha membantu golongan kurang berkemampuan; dan
  - (b) berapakah perbelanjaan yang digunakan untuk pelbagai bantuan di bawah Kementerian mengikut negeri dan bidang.
28. PR-1313-L57645  
**Tuan Sim Chee Keong [ Bukit Mertajam ]** minta **MENTERI DALAM NEGERI** menyatakan peruntukan PDRM dan jumlah anggota polis yang bertugas semasa perhimpunan Agong UMNO dari 2002-2013 termasuk di perhimpunan dan pemilihan ahli Majlis Tertinggi tahun ini.
29. PR-1313-L57833  
**Datuk Nur Jazlan bin Mohamed [ Pulau ]** minta **PERDANA MENTERI** menyatakan nilai pembabitan usahawan Bumiputera dalam pembangunan koridor ekonomi di seluruh negara dan mohon maklumat mengenai bidang-bidang yang diceburi golongan ini.
30. PR-1313-L58853  
**Tuan V. Sivakumar [ Batu Gajah ]** minta **MENTERI PERTAHANAN** menyatakan jumlah purata perbelanjaan tahunan bagi kapal selam Scorpene. Berapa peratus daripada jumlah bajet pertahanan dibelanjakan untuk kapal selam itu setiap tahun.
31. PR-1313-L57399  
**Datuk Juslie bin Ajirol [ Libaran ]** minta **MENTERI KESEJAHTERAAN BANDAR, PERUMAHAN DAN KERAJAAN TEMPATAN** menyatakan peranan Unit Pembangunan Bumiputera (UPB) di bawah Kementerian ini terutama dalam soal memastikan peruntukan perumahan dan hartanah yang disediakan khas untuk golongan Bumiputera, tidak diselewengkan.
32. PR-1313-L57733  
**Tuan Nga Kor Ming [ Taiping ]** minta **MENTERI PENGANGKUTAN** menyatakan berapakah jumlah pampasan yang ditanggung oleh Kerajaan akibat pembatalan penswastaan AES (*Automated Enforcement System*) dan nyatakan secara terperinci jumlah bilangan kamera AES yang dipasang mengikut negeri.
33. PR-1313-L58980  
**Puan Mas Ermieyati binti Samsudin [ Masjid Tanah ]** minta **PERDANA MENTERI** menyatakan adakah Kementerian yakin bahawa Skim Latihan 1 Malaysia akan berjaya membantu graduan-graduan yang mendaftar mengikuti skim ini dalam meningkatkan tahap kebolehpasaran (*employability*) atau keupayaan untuk mendapat pekerjaan.

34. PR-1313-L57793  
**Dato' Ar. Wan Mohammad Khair-il Anuar bin Wan Ahmad [ Kuala Kangsar ]** minta **MENTERI SUMBER ASLI DAN ALAM SEKITAR** menyatakan berapakah jumlah saiz keluasan hutan hijau/hutan simpan yang diwartakan sebagai taman-taman negara dan pecahan saiz kawasan hutan hijau. Apakah peratusannya daripada saiz keluasan tanah negara dan perbandingan dengan negara-negara lain.
35. PR-1313-L58585  
**Dato' Noraini binti Ahmad [ Parit Sulong ]** minta **MENTERI KOMUNIKASI DAN MULTIMEDIA** menyatakan tindakan Kementerian dalam memastikan penerbitan media lebih teliti dan peka terutamanya yang melibatkan sensitiviti bahasa dan paparan grafik dan apakah tindakan Kementerian dalam usaha untuk memulihkan imej RTM sendiri.
36. PR-1313-L57966  
**Dato' Wira Mohd Johari bin Baharom [ Kubang Pasu ]** minta **MENTERI PERTANIAN DAN INDUSTRI ASAS TANI** menyatakan apakah tindakan yang telah diambil oleh pihak Kementerian selepas insiden pergaduhan antara nelayan tempatan dan Vietnam di Laut China Selatan baru-baru ini.
37. PR-1313-L58748  
**Tuan Haji Zainudin bin Ismail [ Jelebu ]** minta **MENTERI PELANCONGAN DAN KEBUDAYAAN** menyatakan apakah program-program promosi utama dan jangkaan jumlah perbelanjaan untuk tujuan tersebut oleh Kementerian sempena Tahun Melawat Malaysia 2014 dan berapakah jumlah sasaran bilangan pelancong dan faedah ekonomi dalam bentuk tukaran asing yang akan diperolehi oleh negara.
38. PR-1313-L58290  
**Datuk Jumat bin Idris [ Sepanggar ]** minta **PERDANA MENTERI** menyatakan :-
- (a) sejauh manakah kebenaran bahawa terdapatnya pengaruh Syiah menular di kalangan mahasiswa universiti di Malaysia; dan
  - (b) apakah usaha Kerajaan untuk memastikan agar ajaran Syiah ini tidak merebak di negara ini.
39. PR-1313-L57619  
**Tuan Sim Tze Tzin [ Bayan Baru ]** minta **MENTERI PERTANIAN DAN INDUSTRI ASAS TANI** menyatakan sama ada Projek *Malaysia International Tuna Port* akan diteruskan di Batu Maung. Jika “Ya”, bilakah ia akan siap dibina. Jika tidak, maka adakah tanah tersebut akan dijual untuk pembangunan dan nyatakan keluasan tanah terlibat.
40. PR-1313-L58325  
**Tuan Wong Sze Phin @ Jimmy [ Kota Kinabalu ]** minta **MENTERI TENAGA, TEKNOLOGI HIJAU DAN AIR** menyatakan apakah kedudukan penjana kuasa RE (*Renewable Energy*) di Sabah di bawah mekanisme *Feed in Tariff* (FIT) untuk menggalakkan penggunaan RE.

41. PR-1313-L57585  
**Tuan Hee Loy Sian [ Petaling Jaya Selatan ]** minta **MENTERI SUMBER ASLI DAN ALAM SEKITAR** menyatakan surat rujukan PTG.SEL.3/KKR/08/184(11) bertarikh 31 Julai 2013 oleh Pengarah Jabatan Ketua Pengarah Tanah dan Galian (Persekutuan) melibatkan:-
- (a) berapa unit rumah, rumah kedai dan lot industri; dan
  - (b) adakah Kementerian akan memaksa tuan punya tanah menyerahkan tanah mereka walaupun tidak mendapat kelulusan daripada Kerajaan Negeri Selangor.
42. PR-1313-L57633  
**Tuan Gobind Singh Deo [ Puchong ]** minta **MENTERI KESIHATAN** menyatakan jumlah hospital Kerajaan di negara ini dan sama ada ia boleh menampung keperluan rakyat, terutamanya apabila kos perubatan sektor swasta meningkat.
43. PR-1313-L58768  
**Puan Hajah Fuziah binti Salleh [ Kuantan ]** minta **MENTERI PEMBANGUNAN WANITA, KELUARGA DAN MASYARAKAT** menyatakan adakah Kerajaan berhasrat untuk menambah penerima subsidi yuran pengasuhan kanak-kanak agar memudahkan golongan ibu dari keluarga berpendapatan rendah yang bekerja menjalankan urusan seharian mereka dan nyatakan relevan di sebalik pendirian Kerajaan dalam hal ini.
44. PR-1313-L58578  
**Tuan Mohamed Hanipa bin Maidin [ Sepang ]** minta **MENTERI KEWANGAN** menyatakan :-
- (a) jumlah sebenar dan nama-nama syarikat judi yang diberi lesen oleh Menteri Kewangan bagi tempoh 2010 hingga 2013 dan pecahannya mengikut negeri-negeri; dan
  - (b) berapakah jumlah cukai yang dikutip oleh Kerajaan dari syarikat judi yang diberi lesen oleh Menteri Kewangan bagi tempoh 2010 hingga 2013.
45. PR-1313-L58985  
**Dr. Mohd. Khairuddin bin Aman Razali [ Kuala Nerus ]** minta **MENTERI KESIHATAN** menyatakan fasiliti dan infrastruktur solat mesra pesakit di hospital-hospital Kerajaan.
46. PR-1313-L58904  
**Tuan Ahmad Marzuk bin Shaary [ Bachok ]** minta **MENTERI DALAM NEGERI** menyatakan jumlah anggota, kos operasi dan peranan polis cawangan khas yang ditugaskan dalam Pilihanraya Kecil Kuala Besut dan Pilihan Raya Umum ke-13. Apakah jaminan Kerajaan bahawa polis cawangan khas tidak terlibat dalam mana-mana provokasi dan memihak kepada mana-mana parti politik.

47. PR-1313-L58223  
**Dato' Hasbullah bin Osman [ Gerik ]** minta **MENTERI PERTAHANAN** menyatakan syarikat yang mendapat tender membekal kasut, berus gigi, vest kalis peluru serta topi. Ini kerana terdapat rungutan bahan yang dibekalkan tidak berkualiti serta tidak menepati piawaian antarabangsa.
48. PR-1313-L58243  
**Tuan Tan Kok Wai [ Cheras ]** minta **PERDANA MENTERI** menyatakan apakah sebab Kerajaan tidak menggubal undang-undang untuk mewajibkan semua wakil rakyat mengumumkan aset milik dan kekayaan peribadi secara terbuka dan mengapa semua Ahli Kabinet termasuk YAB. Perdana Menteri dan Timbalan Perdana Menteri serta ahli-ahli keluarga berbuat demikian mengumumkan kekayaan mereka secara umum.
49. PR-1313-L58391  
**Tuan Fong Kui Lun [ Bukit Bintang ]** minta **MENTERI PELANCONGAN DAN KEBUDAYAAN** menyatakan bilangan ketibaan pelancong asing berbagai negara sejak 2011-2013 dan hasil pendapatan negara yang disumbangkan oleh sektor ini.
50. PR-1313-L57175  
**Dato' Dr. Tan Kee Kwong [ Wangsa Maju ]** minta **MENTERI WILAYAH PERSEKUTUAN** menyatakan mengenai kesesakan lalu lintas di antara Jalan Duta, Jalan Travers dan KL Sentral, bilakah perkara ini akan diselesaikan.
51. PR-1313-L57277  
**Dr. Lee Boon Chye [ Gopeng ]** minta **PERDANA MENTERI** menyatakan tindakan yang diambil oleh SPAD untuk merangka dasar pengangkutan awam nasional setakat ini.
52. PR-1313-L57119  
**Dr. Haji Izani bin Haji Husin [ Pengkalan Chepa ]** minta **MENTERI KESIHATAN** menyatakan sebab-sebab program-program pencegahan penyakit tidak berjangkit seperti penyakit Kencing Manis, penyakit Darah Tinggi, Obesiti dan *Hypercholesterolemia* kelihatan tidak mencapai sasaran dan kempen-kempen pencegahan juga kelihatan tidak dilakukan secara lebih agresif.
53. PR-1313-L58690  
**Tuan Ignatius Dorell Leiking [ Penampang ]** minta **PERDANA MENTERI** menyatakan :-
- (a) sama ada Majlis Penasihat Petroleum Negara atau *National Petroleum Advisory Council* seperti mana yang dikehendaki di dalam Seksyen 5 (1) Akta Kemajuan Petroleum 1974 telah di tubuhkan; dan
  - (b) namakan Ahli-ahli Majlis Penasihat Petroleum Negara tersebut termasuk Ahli-Ahli yang datang dari Negeri Berkaitan (sepertimana yang dimaksudkan dalam Seksyen 5 (1) Akta Kemajuan Petroleum 1974).



54. PR-1313-L58717  
**Tuan Lim Lip Eng [ Segambut ]** minta **MENTERI PERDAGANGAN ANTARABANGSA DAN INDUSTRI** menyatakan senarai model kereta keluaran PROTON dan Perodua mengikut tahun keluaran dan jumlah jualan setiap model setakat Oktober 2013. Alasan-alasan penglibatan Kerajaan di dalam PROTON dan Perodua wajar diteruskan atau tidak.
55. PR-1313-L57386  
**Tuan R. Sivarasa [ Subang ]** minta **MENTERI KESEJAHTERAAN BANDAR, PERUMAHAN DAN KERAJAAN TEMPATAN** menyatakan sama ada Kerajaan bercadang untuk memberi sebarang insentif untuk mempromosikan industri kitar semula di negara ini.
56. PR-1313-L57215  
**Dato' Haji Mohd Zaim bin Abu Hasan [ Parit ]** minta **MENTERI LUAR NEGERI** menyatakan apakah usaha Kerajaan bagi mengatasi ketegangan yang semakin meningkat di kalangan beberapa negara Asia, akibat perebutan hak di kawasan perairan Laut China Selatan dan Laut Sulu yang memperlihatkan kemungkinan berlakunya konfrontasi.

### **ATURAN URUSAN MESYUARAT DAN USUL-USUL**

1. (D.R. 21/2013) **Rang Undang-undang Perbekalan 2014 – Menyambung semula Perbahasan atas masalah, “Bahawa Rang Undang-undang ini dibacakan kali yang kedua sekarang”  
(12 November, 2013)**

**DAN**

**Usul dibuat oleh YAB Menteri Kewangan dan masalah dicadangkan :-**

“Bahawa Dewan ini, mengikut subseksyen 4(3) Akta Kumpulan Wang Pembangunan 1966 [Akta 406], membuat ketetapan iaitu suatu jumlah wang sebanyak tidak lebih dari empat puluh enam bilion empat ratus sembilan puluh sembilan juta sembilan ratus sembilan puluh sembilan ribu ringgit (RM46,499,999,000) dibelanjakan daripada Kumpulan Wang Pembangunan bagi tahun 2014, dan bagi tujuan dan butiran perbelanjaan pembangunan yang dinyatakan di bawah Maksud Pembangunan atau (“P”) dalam senarai Anggaran Perbelanjaan Persekutuan 2014, yang dibentangkan sebagai Kertas Perintah 42 Tahun 2013, adalah diuntukkan di bawah Maksud-maksud yang berkenaan jumlah-jumlah yang bersetentangan dengan butiran-butiran itu di ruangan enam dan tujuh senarai tersebut.”

**Menyambung semula Perbahasan atas masalah (12 November, 2013)**

- |    |                |   |                               |
|----|----------------|---|-------------------------------|
| 2. | (D.R. 22/2013) | Rang Undang-undang Kewangan (No. 2) 2013  | <b>Bacaan Kali Yang Kedua</b> |
|    |                | <b>[ Menteri Kewangan ]</b>   |                               |
| 3. | (D.R. 13/2013) | Rang Undang-undang Bahan-bahan Kakisan dan Letupan dan Senjata Berbahaya (Pindaan) 2013 | “                             |
|    |                | <b>[ Menteri Dalam Negeri ]</b>   |                               |
| 4. | (D.R. 16/2013) | Rang Undang-undang Rumah Perjudian Terbuka (Pindaan) 2013                               | “                             |
|    |                | <b>[ Menteri Kewangan ]</b>   |                               |
| 5. | (D.R. 17/2013) | Rang Undang-undang Loteri (Pindaan) 2013  | “                             |
|    |                | <b>[ Menteri Kewangan ]</b>   |                               |

6. (D.R. 18/2013) Rang Undang-undang Pertaruhan Pool (Pindaan) 2013 “  
[ Menteri Kewangan ]
7. (D.R. 15/2013) Rang Undang-undang Lambang dan Nama (Mencegah Penggunaan Tak Wajar) (Pindaan) 2013 “  
[ Menteri di Jabatan Perdana Menteri ]
8. (D.R. 10/2013) Rang Undang-undang Kanun Tatacara Jenayah (Pindaan) 2013 “  
[ Menteri di Jabatan Perdana Menteri ]
9. (D.R. 12/2013) Rang Undang-undang Keterangan (Pindaan) 2013 “  
[ Menteri di Jabatan Perdana Menteri ]
10. (D.R. 19/2013) Rang Undang-undang Fi (Jabatan Muzium Malaysia) (Pengesahan) 2013 “  
[ Menteri Pelancongan dan Kebudayaan]
11. (D.R. 20/2013) Rang Undang-Undang Dadah Berbahaya (Pindaan) 2013 “  
[ Menteri Kesihatan ]

12. PR-1313-U58205  
**Datuk Madius Tangau [ Tuaran ]** akan mencadangkan:-

"Menyedari hakikat bahawa hak-hak istimewa Bumiputera di negara ini adalah terpelihara kerana perlindungan itu termaktub dalam Perkara 153 Perlembagaan Persekutuan. Menerima juga hakikat bahawa kewujudan Perkara 153 Perlembagaan Persekutuan yang digubal untuk melindungi hak-hak istimewa Orang-orang Melayu di Semenanjung Malaysia dan suku-suku kaum natif ataupun Orang Asli di Sabah dan Sarawak sepertimana yang terkandung dalam Native Interpretation Ordinance Sabah. Dan menerima juga hakikat bahawa suku-suku kaum Orang Asli di Semenanjung tidak termasuk dalam senarai di bawah Perkara 153 tersebut. Menyedari juga hakikat bahawa suku-suku kaum Orang Asli di Semenanjung Malaysia merasa tersisih dalam banyak dasar dan program yang dikhaskan untuk membela hak-hak Bumiputera. Menerima juga hakikat bahawa suku-suku kaum Orang Asli adalah ketinggalan jauh di belakang dalam kesemua aspek pembangunan sedangkan mereka ini adalah suku kaum peribumi yang sebenar.

Di atas kesedaran tersebut maka saya dengan ini membuat Usul di Dewan yang mulia ini meminta pihak Kerajaan supaya membuat pindaan terhadap Perkara 153 Perlembagaan Persekutuan dengan tujuan untuk memasukkan suku-suku kaum Orang Asli Semenanjung dalam senarai suku-suku kaum yang dilindungi oleh peruntukan Perlembagaan tersebut."

**( Perdana Menteri )**

13. PR-1313-U59118

**Tuan Zairil Khir Johari [ Bukit Bendera ]** akan mencadangkan:-

"Bahawa pada masa ini, 34 peratus sekolah rendah di Malaysia mempunyai kurang daripada 150 murid dan secara rasminya telah diklasifikasikan sebagai Sekolah Kurang Murid (SKM). Mereka menyumbang 7 peratus daripada enrolmen sekolah rendah. Bahawa secara purata, SKM menghasilkan pencapaian akademik yang agak lemah berbanding sekolah kebangsaan yang lain. Skor purata komposit bagi sekolah ini ialah 68 peratus, 4 peratus mata di belakang sekolah kebangsaan lain. Kelemahan dalam prestasi ini boleh dikaitkan dengan tiga cabaran struktur. Bahawa pertama, 7 peratus sekolah kurang murid terpaksa melalui perjalanan yang jauh untuk hadir ke sekolah dan mengurangkan kemungkinan untuk menempatkan guru dan guru besar berprestasi tinggi berkhidmat di sekolah berkenaan. Bahawa kedua, sekolah ini kurang mendapat manfaat daripada segi kokurikulum, kemudahan yang lebih baik dan interaksi dengan rakan sebaya daripada pelbagai latar belakang. Bahawa ketiga, kebanyakan sekolah ini berada dalam kawasan status sosio ekonomi rendah dan menghadapi masalah yang berkaitan dengan status sosio ekonomi itu. Keluarga berpendapatan rendah biasanya akan berdepan dengan cabaran untuk mengekalkan anak mereka di sekolah kerana terpaksa menanggung kos berkaitan bekalan, pakaian seragam, dan pengangkutan, yang membawa kepada pertambahan kadar tidak hadir ke sekolah. Bahawa perbelanjaan penyelenggaraan adalah 7 kali lebih tinggi untuk setiap murid di SKM berbanding dengan murid di sekolah harian biasa (Ekshibit 4-8). Kos yang tinggi ini ditambah pula dengan nisbah guru murid yang rendah pada kadar 1:6 berbanding purata kebangsaan, iaitu 1:13 sehingga menyebabkan kos operasi untuk SKM menjadi lebih tinggi. Bahawa Dewan ini menggesa Kerajaan mengambil langkah-langkah perlu untuk mengatasi masalah tersebut di atas."

**( Kementerian Pendidikan )**

14. PR-1313-U57786

**Tuan M. Kulasegaran [ Ipoh Barat ]** akan mencadangkan:-

"Bahawa Dewan Parlimen hendaklah mengambil maklum dan mengarahkan Menteri Sumber Manusia untuk membatalkan semua kelulusan untuk syarikat-syarikat yang menundakan pelaksanaan gaji minima."

**( Kementerian Sumber Manusia )**

15. PR-1313-U58419

**Tuan Fong Kui Lun [ Bukit Bintang ]** akan mencadangkan:-

"Bahawa Suruhanjaya Pilihan raya Malaysia dalam proses untuk melaksanakan persempadanan semula kawasan Pilihan raya hendaklah memastikan wujud keseimbangan pemilih antara kawasan Pilihan raya dan mengelak perbuatan menggerimander (gerrymandering) yang merugikan para pemilih."

**( Perdana Menteri )**

16. PR-1313-U58420

**Tuan Fong Kui Lun [ Bukit Bintang ]** akan mencadangkan:-

"Bahawa Kerajaan hendaklah menyalurkan peruntukan tahunan bagi Ahli Parlimen secara adil, baik untuk wakil rakyat BN mahu pun wakil rakyat pembangkang sebagaimana cadangan Kerajaan Negeri Pulau Pinang untuk menyalurkan peruntukan yang sama diterima oleh wakil-wakil rakyat pembangkang kepada wakil-wakil rakyat BN mulai tahun 2014."

**( Perdana Menteri )**

17. PR-1313-U58688

**Tuan Manivanan a/l Gowindasamy [ Kapar ]** akan mencadangkan:-

"Bahawa Dewan menggesa Kementerian Dalam Negeri mempertimbangkan cadangan untuk kes kematian di bawah tahanan Polis Diraja Malaysia, keluarga si mati diberi kebenaran sepenuhnya untuk memperoleh Pakar Perubatan Forensik sendiri bagi mewakili pihak keluarga si mati semasa bedah siasat dijalankan".

**( Kementerian Dalam Negeri )**

18. PR-1313-U58691

**Tuan Manivanan a/l Gowindasamy [ Kapar ]** akan mencadangkan:-

"Bahawa Dewan ini mendesak agar pendidikan agama diperkenalkan di sekolah kepada pelajar bukan Islam sebagai langkah menerapkan nilai-nilai murni dan keagamaan di kalangan pelajar bukan Islam bagi menangani gejala sosial yang kian meningkat dan berleluasa akibat daripada kegagalan sistem pendidikan di Malaysia".

**( Kementerian Pendidikan )**

19. PR-1313-U59119

**Dr. Tan Seng Giaw [ Kepong ]** akan mencadangkan:-

“Bahawa Dewan ini membincangkan isu alternatif untuk mengatasi sisa pepejal di Malaysia termasuk insinerator moden.”

**(Menteri Kesejahteraan Bandar, Perumahan dan Kerajaan Tempatan)**

20. PR-1313-U59120

**Dr. Tan Seng Giaw [ Kepong ]** akan mencadangkan:-

“Bahawa Dewan ini mendebatkan dasar dan langkah untuk menangani kemalangan jalan raya di negara ini.”

**( Menteri Pengangkutan )**

**RISALAT-RISALAT YANG DIBAWA KE DALAM MESYUARAT  
(DEWAN RAKYAT)**

| <b><u>TAHUN<br/>2013</u></b> | <b><u>RISALAT/DOKUMEN</u></b>  | <b><u>TARIKH<br/>DIBENTANGKAN</u></b> |
|------------------------------|--|---------------------------------------|
| ST.57                        | Laporan Tahunan dan Penyata Kewangan Kumpulan Wang Biasiswa Pengajian Tinggi Raja-Raja dan Yang Di-Pertua – Yang Di-Pertua Negeri Bagi Tahun 2012. | 13 November 2013                      |
| ST.63                        | Laporan Tahunan dan Penyata Kewangan Pihak Berkuasa Wilayah Pembangunan Iskandar (IRDA) Bagi Tahun 2012.   | 13 November 2013                      |
| ST.64                        | Laporan Tahunan dan Penyata Kewangan Pihak Berkuasa Pelaksanaan Koridor Utara (NCIA) Bagi Tahun 2012   | 13 November 2013                      |
| ST.65                        | Laporan Tahunan dan Penyata Kewangan Majlis Pembangunan Wilayah Ekonomi Pantai Timur (ECERDC) Bagi Tahun 2012.                                     | 13 November 2013                      |
| ST.71                        | Laporan Tahunan dan Penyata Kewangan RRIM-Consult Corporation Bagi Tahun 2012  | 13 November 2013                      |